

SULAIMAN MOHD. KARLI (dua dari kiri) mendengar keluhan penduduk semasa lawatan tapak oleh wakil Unit Penyelaras Pelaksanaan (ICU), Jabatan Perdana Menteri di pesisir pantai Pulau Carey, Kuala Langat, Selangor, baru-baru ini. - UTUSAN/ ABDUL RAZAK IDRIS



JPS dirayu segera siapkan ban penahan ombak

Penduduk Pulau Carey bimbang air pasang besar

Oleh **ABDUL RAZAK IDRIS**

kota@utusangroup.com.my

■ **KUALA LANGAT 3 OKT.**

PENDUDUK Kampung Melayu Pulau Carey di sini berharap Jabatan Pengairan dan Saliran (JPS) dapat menyiapkan segera ban penahan ombak bagi memastikan penempatan mereka tidak terjejas akibat fenomena air pasang besar yang dijangka melanda pertengahan Oktober ini.

Pengerusi Jawatankuasa Kemajuan dan Keselamatan Kampung (JKKK) di situ, Said Idrus berkata, meskipun ban sedia ada mampu menghalang air memasuki kediaman mereka se-

masa fenomena itu baru-baru ini, namun penduduk tetap risau dengan nasib mereka pada masa depan.

Menurutnya, ban yang mempunyai lebar dua meter dan tinggi tiga meter tersebut perlu dipanjang serta ditinggikan sedikit daripada ukuran asal.

"Buat masa ini, ban yang belum siap sepenuhnya memainkan peranan penting semasa air pasang besar dari 15 hingga 18 September lalu. Jika ban ini tidak dimulakan pembinaannya oleh JPS, sudah pasti kampung kami dilanda banjir besar.

"Buat masa sekarang, ban ini telah dibina sepanjang 50 meter dan kita berharap ukurannya boleh ditambah beberapa puluh

meter lagi bagi menghalang air pasang besar yang dijangka sekali lagi pada pertengahan Oktober nanti," katanya.

Beliau berkata demikian kepada pemberita semasa lawatan tapak oleh Unit Penyelaras Pelaksanaan (ICU), Jabatan Perdana Menteri di sini.

Sementara itu, Ketua UMNO Bahagian Kuala Langat, Datuk Sulaiman Mohd. Karli berharap ICU dapat mempertimbangkan permintaan penduduk.

"Kita sendiri lihat ada beberapa kawasan di Kuala Selangor dan Kapar dilanda limpahan air hingga menyebabkan penduduk terpaksa dipindahkan ke kawasan penempatan sementara," ujarnya.



Buat masa sekarang, ban ini telah dibina sepanjang 50 meter dan kita berharap ukurannya boleh ditambah beberapa puluh meter lagi bagi menghalang air pasang besar yang dijangka sekali lagi pada pertengahan Oktober nanti,"

SAID IDRUS
JKKK Kampung Melayu
Pulau Carey